



Universitätsbibliothek Paderborn

**Heiliges Jahr/ Das ist/ Underweisung für Philagia, Das
gantze Jahr Heiliglich zuzubringen.**

Barry, Paul de

Cölln, 1651

XIII. Deß Wolgefallens.

[urn:nbn:de:hbz:466:1-47349](#)

ich hundert mahl sagen / vnd widerumb
hundert mahl nach meinem brauch täglich
dises widerhole:

Wann wirdt doch sein die letzte Zeit/
Dass ich vollbringe meinen streit:
Ich das bald kam der gewünschte Tag/
Der frey macht von der Sünden Plag?

XIII.

Des Wolgefallens.

O JESU! du allersüsseste / vnd sicherste
Materi alles wolgefallens vnder den
Menschen? Einmahl ist es gewiss/das wir
in dem Werck leisten können / was deinem
Herzen gefällig vnd gleichförmig ist. Und
diz ist das Geheimniß/welches einsmahls
deiner getrewen Dienerinn / der Seligen
Agatha vom Kreuz/in dem Gespräch/wel-
ches mit denn HH Francisco/vnd Domi-
nico/gehabt/ist entdecket worden/ als sie von
diesen/in deinem Namen besucht war. Die
haben ihr nemlich angezeigt / das sie dir
wol mög angenemb werden/wan sich in vi-
elen guten Wercken üben / zur beständigen
Gedult richten/dein Ehr vor Augen haben/
vnd ein grosse anzahl der Seelen zu deinem
Dienst anbringen werde.

O mein Geliebter/ich will mit dir zu nu-
zen machen/vnd dir gefallen in allem / was
jemahls deine heilige Menschen und Engel
wolgefälligs vor dir verricht haben / oder
noch verrichten werden. Wann ich derhal-
ben mit Herz oder Mund sagen werdt : O
JESU! Ich will dir gefallen/ oder dergleichen/
so will ich so vil gesagt vnd verstanden ha-
ben / das ich ein wolgefallen habe in allen
deinen Vollkommenheiten vnd Fürtress.

lichkeiten / auch in der Göttlichen Freundi-
vnd Verwandschafft/welche zwischen dir/
Gott dem Vatter vnd H. Geist vnzehrer-
lich gefunden wirdt : Auch an dem wolge-
fallen/welches du von dir selbsten hast/vnd
in der Glory vnd Ehr / welche dir alle Heili-
gen erzeigen / vnd forthin erzeigen werden
im Himmel vnd auff Erden / vnd das ich
in diesem wolgefallen ein grössern lust vnd
ergeslichkeit empfinde / als in allen andern
lustbarkeiten / wann ich gleich solche haben
könne/auff ein weit vollkommener weiß / als
mein Sinn vnd Verstand in diesem Leben
fassen vnd begehrn können.

Ich versteh ferners/das ich kein anders
Zahl vnd End habe in allen meinen Gedan-
cken/Worten vnd Werken / als allein zu
deinem wolgefallen / vnd das ich dein Gött-
liche Majestät bitte / wie solches die H. Ca-
tharina von Senis gehabt hat/ das du von
mir hinweg nemmen wöllest allen andern
Trost / vnd so gar meinen eygnen Willen/
auff das ich solcher gestalt angemimmer
werde/ vnd eimmahli vollkommenlich genies-
sen möge der vnerschäflichen Reich-
thumbe welche du deinen Freunden ver-
heisest.

Ich versteh dardurch/das ich allein be-
gehre dir also zu gefallen / wie solches gesche-
hen könnte von allen Creaturen / vnd in E-
wigkeit geschehen wirdt : Das ich auch be-
gehre/das alle / welche noch im Leben seind/
in keiner sach mehrers übereinstimmen/als
in diser/das sie nemlich all ihre Gedanken/
Wort/thun vnd lassen einig vnd allein rich-
ten vnd anstellen/wie solches deinem Gesetz/
vnd erklärungen deines wolgefallens ge-
mäß vnd bequemlich sein kan.

XIV.